

18 di Maart 1948 mocion a keda entrega:

Shon A Eman: Un lucha mester a continua

Su dilanti ya tabata tin dos generacion, cu a dedica nan mes na algo, cu pa hopi tempo tabata biba den alma di Aruba. Su welo, Shon Cornes Eman, a cuminsa cu e proceso. E concientisacion di un Pueblo, cu sin mas mester a acepta, loke un Madre Patria lehanu y casi desconoci, tabata impone.

Su tata, Henny Eman, a duna mas aliento na e movimiento. No tabata por otro: Shon A Eman mester a continua cu e lucha, cu for di promer momento tabata parti di su bida.

Naci dia 17 di Mei, 1916, por bisa cu e pasonan di Shon A Eman, ya tabata dirigi ariba e tarea cu a worde pasa di un generacion pa otro. Pero e lo a bira e homber, cu lo por a duna contenido real na loke su abuelo y tata a vocifera na nomber di un Pueblo. Si promer cu su epoca, e anhelo pa Separacion, pa un status apart pa Aruba den Reino, tabata domina pensamiento di e pais, su estudio a haci posible pa e encamina un proceso planifica y confronta e juristanan di Hulanda.

Abogado di profesion, Shon A Eman tabata tin e instrumento necesario den su man pa profundiza den e parti juridico di un futuro estatal nobo pa Aruba. E por a participa activamente y desplega un papel importante den e momento, cu Aruba lo a



18 di Maart 1948: Na Den Haag, Hulanda, Antillas, Surinam y Hulanda ta reuni. Un encuentro, cu no ta conta cu parti di e delegacion di Antillas, cu a dicidi di regresa nan pais, comoquiera cu Hulanda no a trata asuntonan manera nan tabata kier. Pero e resto di e grupo ta keda. Entre nan e representante di Aruba: Cornelis Albert (Shon A) Eman. Sosteni pa miembronan di e otro islanan di Antillas, e ta entrega un mocion. Un documento cu ta marca historia di Aruba. 18 di Maart 1948: na nomber di Aruba Shon A Eman a pidi Reino Hulandes pa introduci un Status Aparte pa Aruba.

muestra cu un lucha a worde desencadena pa asina un Pueblo por a haya su libertad.

Su preparacion como abogado, su dinamismo pa continua cu e lucha, a haci cu el a worde escogi pa asisti como representante di Aruba na e Conferencia di Mesa Redonda na 1948 na Hulanda.

Asina a toca na Shon A Eman pa entrega na e conferencia e mocion, cu a solicita un futuro estatal nobo pa Aruba.

Tabata un momento importante pa e homber cu a pone politica central den su bida. Nunca el a habri un oficina di abogado. Su trabao tabata na cas, caminda dia y anochi

e tabata atende Pueblo. Hopi tabata esnan cu tabata acerke pa pidi su ayudo: un peticion oficial, cu mester a worde entrega; un situacion complica, cu mester a haya solucion.

Si e tempo abogacia lo a permiti cualquier persona hiba un bida comodo y di elevacion social, pa Shon A Eman el a bira un punto di contacto cu Pueblo, cu politicamente e tabata dirigi y e herment pa consolida e lucha pa Libertad.

Shon A Eman a traha como abogado di Pueblo. Su esposa y ocho yiunan mester a biba di e compensacion limita cu e tabata ricibi como miembro di Staten y Eilandsraad. Shon

A no a disfruta di e solaz

financiero cu su estudio por a brinda. E no a bira un homber rico y no a reuni un capital. Politica y especialmente e lucha pa un futuro estatal nobo tabata su ideal.

Y asina aña 1967 a acerca. Un aña marca pa campaña electoral. "Boso votos ta dunami e forza y derecho di papia den nomber di Pueblo, defendiendo interes di Aruba", Shon A a splica votadornan den un carta cu el a distribui dia 12 di Mei 1967.

Dia 26 di Mei eleccion a tuma lugar. E partido di Shon A Eman, AVP, a gana eleccion. El a logra realizacion di un gran anhelo, ora un Gobierno, consistiendo di cinco Diputado Arubiano, por a

Siqui lesa pag. 8

**PUEBLO DI ARUBA
AWE**

**ariba nos dia
NACIONAL**
Nos ta uni pa un mihor Aruba.



**CHECKPOINT
COLOR N.V.**

Despues di 40 aña

Mañan lo ta exactamente 40 aña pasa, cu na Den Haag, Hulanda, a keda entrega un mocion, cu a papia di un status separa, un status especial, pa Aruba den Reino Hulandes. Asina 18 di Maart a drenta historia di Aruba. Awe DIARIO ta dedica atencion especial na e lucha cu a worde hiba pa un Pueblo y na esnan cu a fungi como voz di Pueblo.

Na un forma concreto DIARIO kier a relata e lucha cu un Pueblo a hiba y asina tambe entrega Pueblo un relato di loke Aruba a alcanza. Pasobra a pesar di tur diferencia cu por existi, Aruba ta Un Pueblo, cu Un lucha y Un futuro, cu mester ta uno libre, uno di dignidad, manera Pueblo di Aruba a merece atravez di e lucha cu a worde hiba y cu a haci posible pa Aruba a realiza loke pa tur esnan cu el a enfrenta na promer momento tabata parece un sueño imposible.

Un danki mester duna awe na tur esnan cu a pone nan schouder bao e lucha. Hopi lo no tey mas, pero nan a keda graba den un lucha, den un sueño cu Aruba a atravez di perseverancia a sa di realiza!

PUEBLO

PABIEN

**ARIBA NOS DIA
Nacional**



PLAYA LIQUOR & BOTTLING Co. N.V.

Shon A Eman: Cont. di pag. 7

worde forma. Esaki a yena Shon A Eman cu satisfaccion, manera el a muestra den su discurso dia Promer di Juli 1967 den Eilandsraad.

Cu esey lo tabata su ultimo discurso den Eilandsraad, Shon A mes no tabata sa. Dia 13 di Juli 1967 un noticia a sacudi Aruba: na edad di 51 aña Shon A Eman a fayece diripiente.

Pueblo a uni pa rindi

tributo pa ultimo bez na Shon A. Un multitud enorme a subi caya pa acompaña pa su ultimo lugar di descanso.


E mes discurso cu Gouverneur Debrot a pronuncia ora Shon A keda condecora pa La Reina corto tempo promer, a worde cita pa Gouverneur Interino Lampe na su graf.

Diputado Dominico Guzman Croes a papia na nomber di Bestuurscollege

y a bisa: "Shon A, mi ruman, no tin lucha sin sacrificio. Y bo sacrificio tabata grandi. Bo a muri pover y pobreza no ta verguenza pasobra bo a sacrifica bo bienes - bo a sacrifica bo salud y hasta bo propio bida pa e causa noble y sagrado aki, cu tabata asina pega na bo pecho. Y aunque bo a muri pover, toch bo a laga un herencia grandi pa nos, un herencia cu na mundo no tin placa pa cumpre."

Shon A Eman a despedi diripiente, lagando e gobierno di e isla den man di cinco diputado Arubiano, manera tanto el a desea. Y for di e diputadonan aki a surgi e homber, cu un dia lo a continua cu e lucha, cu temporalmente a perde atencion: Betico Croes, kende pa hopi tempo a sigui muestra su aprecio pa Shon A.

E lucha mester a continua y tabata na Betico pa duna e continuacion, sin sa cu bida a prepara pe tambe un despedida inespera!



Entiero di Shon A Eman: tras di e auto cu ta transporta su señora por mira su yiu homber, Henny, cu a sigui pasonan di su bisabuelo, welo y tata.



E realizacion di un sueño di Shon A Eman: Un Bestuurscollege cu Cinco Diputado Arubiano. E portret ta muestra Shon A durante su ultimo reunion di Eilandsraad di Aruba. Betico Croes, e homber cu despues a sigui cu e lucha, tambe ta aparece ariba e portret.



**PABIEN
ARUBA**


**CU E CELEBRACION OFICIAL
DI NOS STATUS APARTE**



**LOTTO
PA
DEPORTE**



**PABIEN PUEBLO
CU NOS DIA NACIONAL**




B. J. ARENDS



**PABIEN
ARIBA NOS DIA
NACIONAL**

**MANSUR
TRADING NV
L.G. Smith Blvd.**



**PUEBLO DI ARUBA
AWE**

**ariba nos dia
NACIONAL
Nos ta uni pa un mihor Aruba.**

